

了義大手印祈願文

讓炯多傑尊者著

《了義大手印祈願文》之一

頂禮上師！
一切上師壇上本尊天，
十方三世諸佛佛子眾，
謹祈為我證明所發願，
咸皆順利如理而成就。

我等無量一切有情聚，
加行意樂清淨雪山中，
流出三輪無垢善根河，
唯願歸入勝者四身海。

祈願未能如是成就前，
生生世世不聞罪惡聲，
及以苦痛哀鳴皆寂靜，
享用善樂吉祥汪洋聚。

得勝暇滿具足信勤慧，
依止善師承口訣精華，
如理修持願皆無障礙，
生生世世實踐正法寶。

善聞教理解脫無明障，
善思口訣毀滅疑惑闇，
修生光芒如理明實相，
唯願三慧光明漸增長。

離常斷邊二諦即根理，
離增損邊二聚勝道力，
成就遠離有寂二利果，
願值如是無謬無誤法。

淨依明空雙運心性上，
金剛瑜珈大手印妙能，
淨化所淨顛倒眾客塵，
淨果無垢法身願顯現。

斬斷增益淨依得定見，
無逸保任見解即修要，
精熟修義即為最勝行，
唯願於見修行得決定。

一切諸法皆為心幻化，
是心無有心性本空寂，
真空無礙妙顯一切法，
願善觀察自斷增益根。

本來無有自相誤為境，
無明惑力誤自證為我，
二取執力輾轉三有界，
祈願無明源流自斷除。

《了義大手印祈願文》之二

諸佛亦不見故此非有，
有寂二共依故此非無，
此不相違即雙運中道，
願證如是離邊心法性。

所謂如是指認不可得，
所謂非爾遮斷亦不得，
超越思議法性真無為，
祈願決定勝義真實際。

未悟此理漂輪迴汪洋，
證悟此理即佛無他求，
一切皆是無一非是理，
願解法性阿賴耶隱義。

顯現者心本空亦此心，
此心能悟此心亦能惑，
能生能滅皆此心所為，
祈願心中增益盡斷除。

不受刻意造作所染污，
未遭世俗紛擾風動搖，
祈願精熟保任無造作，
本來自安心體之修行。

粗細妄念波濤自平寂，
平緩心河漸流漸停止，
祈願遠離掉舉昏沈泥，
寂止大海不動得穩定。

再再觀照無所觀之心，
即能如實勝見無見義，
懷疑是非自然斷除者，
唯願自悟無誤自本面。

觀察境時無境唯見心，
觀察心時無心體本空，
觀此二時二執自解脫，
祈願證悟明光心實相。

超越作意此即大手印，
亦即遠離諸邊大中觀，
復能總攝故名大圓滿，
願得知一盡解一切義。

無耽大樂持續不間斷，
無相明光遠離眾遮蔽，
超越心思無念任運成，
祈願無勤覺受不間斷。

貪善覺受執著自解脫，
惡念妄想淨歸法界中，
平常心中無取捨得失，
祈願證悟離戲法性諦。

一切眾生本性恆為佛，
未悟如是故轉輪迴中，
祈願心中生難忍大悲，
憫念苦痛無邊眾含識。

難忍大悲妙勢無礙力，
悲念爾時空義赤裸現，
唯願晝夜不歇續修持，
無謬無誤雙運殊勝道。

禪修所生五眼與六通，
成熟眾生淨修成佛剎，
修持佛德等願咸圓滿，
祈願圓熟清淨等正覺。

十方諸佛菩薩大悲力，
一切鮮白善業聚集力，
祈願我等一切有情眾，
清淨發願如理皆成就。

🕒 修訂版本 #4

★ 由 Admin 建立於 2025-12-08 08:35:44 UTC

🔧 由 Admin 更新於 2025-12-08 09:08:08 UTC